



JU "SPORTSKO - REKREACIONI CENTAR" TEŠANJ

Adresa: ul. Patriotske lige 57
74260 Tešanj

Žiro računi:

BBi

1412010001458751

E-mail: jusrctes@bih.net.ba

UNICREDIT BANKA

3385502203485650

www.dvorana-tesanj.com

Tel/fax: 032 651-500

IDbr.: 4218543010006

PDV: 218543010006

Broj: 02 – 272/24

Datum: 30. 12. 2024. godine

IZVOD IZ ZAPISNIKA

Sa **četnaeste (14.)** sjednice Upravnog odbora JU „Sportsko-rekreacioni centar“ Tešanj, održane 30.12.2024. godine (ponedjeljak) u prostorijama Uprave, sa početkom u 16:15 sati.

Sjednici prisutni:

1. Adnan Lihčić – predsjednik
2. Almir Hodžić – član
3. Alema Jabandžić Deljković – član
4. Nusret Ogrić – direktor

DNEVNI RED:

1. Usvajanje Zapisnika sa 13. sjednice Upravnog odbora.
2. Prijedlog Odluke o izmjeni Pravila JU SRC Tešanj.
3. Donošenje Odluke o izmjeni Pravilnika o unutrašnjoj organizaciji i sistematizaciji poslova i radnih zadataka u JU SRC Tešanj.
4. Donošenje Odluke o 2. rebalansu budžeta JU SRC Tešanj za 2024. godinu.
5. Donošenje Odluke o imenovanju Komisije za popis sa 31.12.2024. godine.
6. Izvještaj o završenoj Biznis ligi 2024 i početku 10. turnira mjesnih zajednica.
7. Razmatranje zahtjeva UG za uzgoj i zaštitu sitnih životinja.
8. Izvještaj o provedenom javnom pozivu za prodaju stare peći za centralno grijanje putem licitacije.
9. Razno.

Nakon što je Predsjednik konstatovao da su ispunjeni svi uslovi za održavanje sjednice, otvorena je 14. sjednica Upravnog odbora.

AD. 1.

Članovi Upravnog odbora jednoglasno su usvojili izvod iz zapisnika sa 13. sjednice, koji im je ranije dostavljen.

AD. 2.

Članovi Upravnog odbora su razmatrali Odluku o izmjeni i dopuni Odluke o osnivanju JU „Sportsko-rekreacioni centar“ Tešanj, broj: 01-02-1-2972-2/24, koju je donijelo Općinskog vijeće Općine Tešanj je na svojoj 2. sjednici održanoj 20.12.2024. godine. U toj Odluci došlo je do proširenja djelatnosti JU SRC Tešanj, te se u Članu 4. dodaje stav koji glasi: „Pružanje uslužne djelatnosti vezane za parking“. Također, u Članu 6. Odluke o osnivanju JU SRC Tešanj dobija na korištenje i upravljanje novu sportsku dvoranu u Jelahu. Na privremeno korištenje i upravljanje daju se i dvije parcele pored dvorane od kojih će biti formiran parking prostor za dvoranu, a predviđeno je da se isti ogradi u narednom periodu.

Obzirom da se dvorana u Jelahu i pomenuti parking prostor nalaze izvan sjedišta Ustanove, potrebno je izvršiti izmjenu Pravila JU „Sportsko-rekreacioni centar“ Tešanj, kako bi se pristupilo osnivanju podružnice, te kako bi se izvršila njena registracija. Upravni odbor je shodno načinu donošenja izmjene Pravila, donio Prijedlog Odluke o izmjeni Pravila JU „Sportsko-rekreacioni centar“ Tešanj, te isti uputio Osnivaču na saglasnost.

Prijedlog Odluke o izmjeni Pravila JU „Sportsko-rekreacioni centar“ Tešanj, podrazumijeva sljedeće:

- Vršiti se dopuna člana 6., te se proširuje djelatnost JU SRC Tešanj sa 52.21. Uslužne djelatnosti u vezi sa kopnenim prijevozom
- Dodaje se član 8b., kojim se djelatnost JU SRC Tešanj proširuje osnivanjem podružnice „Sportska dvorana Jelah“, koja će biti u sastavu Ustanove.

Nakon pribavljene saglasnosti Osnivača, pristupit će se konačnoj izmjeni Pravila i daljoj proceduri registracije nove Podružnice.

AD. 3.

Nakon što je u tački 2. razmatrano proširenje djelatnosti JU SRC Tešanj, dodavanjem nove dvorane u Jelahu, ukazala se potreba za izmjenama Pravilnika o unutrašnjoj organizaciji i sistematizaciji poslova i radnih zadataka u JU SRC Tešanj. Direktor je prisutne članove upoznao sa potrebom prijema novih uposlenika, koji bi radili u novoj dvorani u Jelahu, čime bi se nastavilo normalno poslovanje i funkcionisanje JU SRC Tešanj u narednom periodu.

Nakon razmatranja prijedloga direktora, Upravni odbor je donio sljedeće zaključke:

Zaključak 1: Uzimajući u obzir sveopće prisutan problem nedostatka radne snage, kao i velike fluktuacije radnosposobnog stanovništva Upravni odbor je pristupio izmjeni Pravilnika o unutrašnjoj organizaciji i sistematizaciji poslova i radnih zadataka u JU SRC Tešanj, kako bi se u budućnosti kontinuirano obezbjeđivao dovoljan broj uposlenika i održala funkcionalnost JU SRC Tešanj.

Zaključak 2: Upravni odbor donosi Odluku o izmjeni Pravilnika o unutrašnjoj organizaciji i sistematizaciji poslova i radnih zadataka u JU SRC Tešanj

AD. 4.

Direktor je prisutne upoznao sa potrebom donošenja 2. rebalansa budžeta JU SRC Tešanj za 2024. godinu. Ova potreba se ukazala zbog toga što su određene budžetske stavke na prihodovnoj i rashodovnoj strani prešle planirane iznose. Određene stavke, kao što su sredstva od prodaje koševa, nisu realizovana, te je budžet umanjen za ove stavke. Nakon razmatranja Upravni odbor je donio Odluku o 2. izmjeni finansijskog plana JU SRC Tešanj za 2024. godinu.

AD. 5.

Upravni odbro jednoglasno je donio Odluku o imenovanju Komisije za popis materijalnih stvari/inventara, transkcijskih računa i blagajne JU SRC Tešanj, sa 31.12.2024. godine. Komisija ima obavezu da zaključno sa 15.01.2024. utvrđeno stanje dostavi do nadležne službe računovodstva, nakon čega će izvještaj biti dostavljen Upravnom odboru na razmatranje.

AD. 6.

Direktor je prisutne upoznao da je 22.12.2024. godine završen turnir Biznis liga 2024. Na ovom turniru učestvovalo je 11 ekipa, a najbolja ekipa je bila Imaco Systemtechnik.

Odigravanje ovogodišnjeg turnira mjesnih zajednica je pomjereno zbog vremenskih neprilika, te je izmijenjen način odigravanja utakmica u futsalu. Prijavljene su 22 ekipe za futsal, 8 ekipa za stoni tenis, 6 ekipa za streljaštvo. Za pojedinačno takmičenje u stonom tenisu prijavljeno je 19 učesnika. Otvaranje turnira predviđeno je 30.12.2024. u 18:00 sati, prve utakmice se igraju 03.01.2025. godine. Upravni odbor je usvojio ove informacije.

AD. 7.

Udruženje građana za uzgoj i zaštitu sitnih životinja Tešanj i ove godine se obratilo sa molbom za ustupanje prostora radi održavanja izložbe sitnih životinja u prostorijama velike dvorane, a u periodu 10.01.2025. – 12.01.2025. godine. Obzirom da je u navedenom periodu raspust ova izložba neće poremetiti aktivnosti u dvorani. Također, udruženje traži kao i prethodnih godina da im se odobri popust na ukupnu cijenu. Upravni odbor je saglasan da se izvrši iznajmljivanje prostorija i odobrio je direktoru da zaključi ugovor sa udruženjem po uslovima i cijeni kao i prethodnih godina, uz obavezu da se po završetku manifestacije dvorana dovede u prvobitno stanje te izvrši potrebna dezinfekcija prostorija.

AD. 8.

Dana 10.12.2024. godine okončan je javni poziv za prodaju stare peći za centralno grijanje putem licitacije sistemom zatvorenih ponuda. Direktor je shodno Odluci sa prethodne sjednice podnio izvještaj koji je njemu ranije dostavila Komisija za provođenje postupka licitacije. Komisija je konstatovala da u predviđenom roku nije pristigla niti jedna ponuda za prodaju stare peći. Upravni odbor je te se postupak prodaje obustavlja do daljnjeg.

AD. 9.

Pod ovom tačkom nije bilo rasprave.


Predsjednik je zaključio sjednicu u 17:15 sati.

Dostavljeno:

1. Članovima Upravnog odbora 1-3;
2. Direktoru;
3. Općini;
3. Arhiva;

Predsjednik Upravnog odbora:




Adnan Lihić, dipl. ing. maš.